

De stimmungsvolle Schotzsuche

Wia schnö de Zeit vageht,
des Joar ist fost vom Wind vaweht.
De Natur kimmt schee laungsaum zur Ruh.
Weihnachten wird do sein im Nuh.

Im Woidviatla Hochlaund do tuat sie wos,
de Schotzsuche geht wieda los!
In da schein Laundschoft is vasteckt,
de große Vüfoit, oft unentdeckt.

Wer jetzt net woas wo Hochlaund is,
der schaut aft Koatn des ist gwis!
Findt Laungschlog, Oitmelon und Arbesboch,
Germs und Rowinstoa suacht a noch.

Wer gern woas wo kummt es her,
der erfohrt do wirkli mehr.
Wüs wer nu genauer wissen,
der wirft an Blick, hinter de Kulissen!

Direkt van Bauern des is a Gschicht,
do wird jeds Essn a Gedicht.
s´ Haundwerk liegt uns a im Bluat,
so a Unikat gfoit Euch sicha guat.

Zan Vakosten gibt´s recht fü,
jeder gaunz wia a grad wü.
Guade Keksel, wer kaun widerstehn,
owa de gibt´s eh zu erstehn!

Duftendes Brot direkt van Bauern,
wer des net kennt, is zan bedauern.
Frisches Gsöchts, des is a Hit,
nimmst a Rankerl fia Zhaus glei mit.

Recht lustige Naumen hot des Bier,
trink am Zwitscherer oder do an Croftstier!
Fia d´Jausn gibt´s an guaden Soft,
aus Opfi und Kriechal, is a recht oft.

A guats Öl gibt´s fiarn Solot,
bringt de Gsundheit wieder ins Lot.
Dinkelmö zan bocha,
fia´s Kekserl söwa mocha.

Oans ist a gaunz fix,
ohne Mohn geht ba uns nix.
Woa die Kosterei daun do zu fü,
a Schnapslerl des wieda richtn wü.

Net nur fian Gaumen soi ois sei,
a wos fias Aug des warat fei.
Keramik de is sehenswert,
ois dabei wos Herz begehrt.

Wos wa des Hochlaund ohne Hoiz,
drauf san wir bsunders stoiz.
Vaorbat wirds zu gaunz für Sochen,
es losst sie hoit fost ois draus mochen.

Dufende Soafn gibt´s a nu zan kaffa,
hoffentli wird kanna drum raffa.
Schmuck und Glasl mit ana Gravur,
do schauts ban mocha net aft Uhr!

So maunches kriagt a zweits Lebn,
ma kaun Toschen und Teppich draus webn.
Unsa Schmid is recht geschickt,
Hufeisenkunst, soweit Aug blickt!

Mit n Gießpulver recht fein,
wird a Deko fias Heim.
Aus Softpackln losst sie a nu wos mochn,
damit kaunst hamtrogn de eikafftn Sochn.

De Materialien geh´n uns nu laung net aus,
Ihr miast afoch zu de Betriebe raus!
Fü Betriebe auschaun, des mocht Sinn,
denn es gibt a an Gewinn!

A Auto des is a koa muss,
wei ob Zwettl foart a Bus.
Den kaunst vorab buchen,
drum kummst uns besuchn!

Oder bucht´s eich glei a Zimmer,
so a Gelegenheit gibt´s net immer!
A Tog is fü zu wenig,
do san ma sie einig!

Am 9. und 10. Novemba hauma offen,
af fü Bsucher tuan ma hoffen.
Drum kummst olle her,
mia gfrein uns scho sehr!

© Roswitha Haghofer